



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiæ S. Thomæ Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romæ, 1619**

Vtrum character ordinis præsupponat characterem confirmationis? 4

**urn:nbn:de:hbz:466:1-38817**

sacramentum recipere potest: & sic character ordinis, baptismalem characterem praesupponit.

Ad primum ergo dicendum, quod in eo qui habet potentiam actiuam a se, potentia actiuam non praesupponit passiuam: sed in eo qui habet potentiam actiuam ab alio, praerogatur ad potentiam actiuam potentia passiuam, quae recipere possit potentiam actiuam.

Ad secundum dicendum, quod talis si ad sacerdotium promouetur, non est sacerdos, nec conficere potest, nec absolvere in foro poenitentiali. Unde secundum Canones \* debet iterato baptizari & ordinari. Et si etiam in Episcopum promouetur, illi quos ordinat non habent ordinem: sed tamen pie creditur potest, quod quantum ad ultimos effectus sacramentorum, summus Sacerdos supplet defectum, & quod non permittet hoc ita latere, quod Ecclesiae possit periculum imminere.

In decr.  
li. 3. tit.  
42. & est  
de pres-  
bytero no  
baptiza-  
to c. 1. &  
3.

## ARTIC. IV.

*Vtrum character ordinis praesupponat de necessitate characterem Confirmationis?*

143

**A**D quartum sic proceditur. Videtur, quod character ordinis praesupponat de necessitate characterem confirmationis. Quia in his quae sunt ordinata ad inuicem, sicut medium praesupponit primum, ita ultimum praesupponit medium. Sed character confirmationis praesupponit baptismalem quasi primum. Ergo character ordinis praesupponit characterem confirmationis quasi medium.

¶ 2 Præterea, Qui ad alios confirmandos ponuntur, maxime debent esse firmi. Sed illi qui sacramentum ordinis suscipiunt, sunt aliorum confirmatores. Ergo ipsi maxime debent habere sacramentum confirmationis.

**S**ED contra, Apostoli receperunt potestatem ordinis ante ascensionem, Ioan. 20. ubi dictum est eis: Accipite Spiritum sanctum, &c. Sed confirmatio est post ascensionem per aduentum Spiritus sancti. Ergo ordo non praesupponit confirmationem.

R E-

RESPONDEO dicendum, quòd ad susceptionem ordinis præxigitur aliquid quasi de necessitate sacramenti, & aliquid quasi de congruitate. De necessitate enim sacramenti exigitur, quòd ille qui accedit ad ordines, sit ordinis susceptivus: quod competit ei per baptismum. Et ideò character baptismalis præsupponitur de necessitate sacramenti, ita quòd sine eo sacramentum ordinis conferri non potest. Sed de congruitate requiritur omnis perfectio, per quam aliquis reddatur idoneus ad executionem ordinis; & vnum de istis est, vt sit confirmatus. Et ideò de congruitate character ordinis, characterem confirmationis præsupponit, & non de necessitate.

Ad primum ergo dicendum, quòd non est similis habitudo huius medij ad vltimum, & primi ad medium: quia per characterem baptismalẽ fit homo susceptivus sacramenti confirmationis, non autem per characterem confirmationis fit homo susceptivus sacramenti ordinis: & ideò non est similis ratio.

Ad secundum dicendum, quòd illa ratio procedit de idoneitate quantum ad congruitatem.

ARTIC. V.

*Vtrum character vnius ordinis de necessitate præsupponat characterem alterius ordinis?*

144

Ad quintum sic proceditur. Videtur, quòd character vnius ordinis præsupponat de necessitate characterem alterius ordinis. Quia maior est convenientia ordinis ad ordinem, quàm ordinis ad aliud sacramentum. Sed character ordinis præsupponit characterem alterius sacramenti, scilicet baptismi. Ergo multo fortius character vnius ordinis, præsupponit characterem alterius.

¶ 2 Præterea, Ordines sunt quidam gradus. Sed nullus potest peruenire ad posteriorem gradum, nisi prius conscenderit priorem. Ergo nullus potest accipere characterem ordinis sequentis, nisi prius accipere ordinem præcedentem.

SED contra, Si onittatur aliquid in sacramento,

T 2 quod